

Uns lütt Blatt

Dit un dat för „De Plattdüütschen“
No. 16 - April 2011

Ne'e Mitglieder:

Uns Vereen hett nu 409 Mitglieder. Siet Dez. 2010 sünd söben Ne'e dortokomen: Hartwig Abraham, Ummendörp; Gerda Giese, Ossel; Birgit Gill, Stood; Manfred Hölting, Burweg; Mulsumer Heimatverein; Gisela Tomfohrde, Wangers; Alfred Wiegers, Neekloster.

Dat besünnere Thema:

De plattdüütsche Sprook is de größte Kulturdräger in ganz Noorrdüütschland!
No een Ünnerseukung von dat INS snackt ober blots noch 15% von de Lüüd in Neddersassen Platt. För 20 Johrn würrn dat noch 30%. Bi de 5-20jährigen Lüüd snackt blots noch 5% Platt. Dat sünd in'n Landkreis Stood man noch so 2.000 junge Lüüd.

**Wenn wi de plattdüütsche Sprook erholen wöllt,
denn geht dat blots noch öber Bildung
und Bildung warrt bibröcht in Kinnergoorns un in Scholen!**

Uns Motto heet: 2 + 1!

Egol ob Schöler oder Schölerin, se schullen twee grote Sproken lihrn; to'n Bispill Düütsch un Ingelsch oder Französch un ene lütte Sprook. Dat kann Däänsch, Hollanssch oder eben Plattdüütsch wen. Deshalb stütt un fördert uns Vereen allens, wo junge Lüüd Plattdüütsch as Sprook lihrn köönt un mookt sik dorför stark, dat Plattdüütsch in Kinnergoorns un Scholen vermittelt warrt.

Mittlerwiel mookt dor in'n Kreis Stood nu 23 Kinnergoorns un 26 Grundscholen mit. Dat is een ganz groten Erfolg. Dat is in den Room twüschen Elv un Weser Spitz!!

Un wi wööt noch mihr dorto kriegen.

Wiel dat ober kene Schoolmesters giff, de Platt ünnerrichten köönt, hebbt sik dorför sogn. „Platt-Experten“ to Verfügung stüült, de den Ünnerricht in de Scholen afholen dot. Koordiniert un betreut warrt de „Platt-Experten“ von Isa Steffen, de uns „Plattdüütsch-Büro“ leiten deit.

Dat Ganze is ober nich ümsünst, sünnern köst ok Geld:

- För dat Plattdüütsch-Büro gefft wi jedet Johr rd. 7.500 € ut.
- För de „Platt-Experten“ sünd dat in'n Johr rd. 12.500 €
- Dorvon drigg de Landkreis Stood ./ 5.000 €
- Dat heet, dat wi jedet Johr Kösten von 15.000 € hebbt.
- De Innohmen von de Mitgliedsbidrag sünd rd. 5.000 €

Wenn wi dat so dörchholen wöllt, denn hebbt wi jedet Johr ene Ünnerbilanz von 10.000 €!

Uns Kontogoothoben belöppt sik to Tiet noch op rd. 25.000 €.

Dat heet, wi köönt dat noch een/twee Johr dörchholen.

Ober op Duer mööt wi uns Gedanken moken, wi dat wieter finanziert warm kann.

Memory-Speel

Dat ne'e Memory-Speel is nu dor. Dat Spiel warrt an de Kinnergoorns un Scholen in'n Kreis Stood, de Platt snacken dot, kostenlos verdeelt. Dat Spiel kann ober ok bi uns Plattdüütsch-Büro bestellt warm un köst den 7,50 €.

Ne'e Schoolerlass

De Entwurf von den ne'en Schoolerlass liggt nu vör un schall to'n 01. August 2011 in Kraft sett warm.